



Da la suprastanza cumünela

Dumandas / annunzchas da fabrica

La suprastanza aderischa a seguaintas dumandas :

- Rimplizzer refügi per laina, parcella nr. 344, S-chanf - Prasüras

La suprastanza piglia cugnuschentscha da seguaintas annunzchas :

- Saiv nouva e refügi, parcella nr. 826, Chapella
- Saiv nouva, Somvih, parcella nr. 17, S-chanf
- refracziun fatschedas, parcella nr. 383, Bügl Suot, S-chanf

Infrastructura restorant Prasüras

Causa cha la maischna da caffè aint il restorant da Prasüras es ida ruota e nu's riva pü da reparer quella, dru vess que üna nouva maschina da caffè. La suprastanza cumünela decida da cümprer üna maschina da caffè d'ocasiun per fr. 4'300.00.

Fatscheda chesa cumünela e chesa da scoula

Davaunt l'entreda da l'adimistrazion cumünela aintra ova tres il fuonz e donagiescha la fatscheda tar la staunza d'ova i'l plaun suot. Eir tar la chesa da scoula es ün sfessa illa fatscheda chi's stess saner. Il depüto ho guardo quista chosa cun duos architects dal lö. Ün architect nu ho gieü üngün interess da surpiglier il proget e la direcziun da lavur. Zieva sclarimaints a fuonds dal architect Marco Glisenti s'ho vis, chi's stu vess renover tuot quists dans ter urgiaint, chi nu do dapü dans vi da las fatschedas. Ils cuosts per las renovaziuns per las duos chesas da l'adimistrazion cumünela e da la chesa da scoula s'amuntan sün fr. 50'000.00. La suprastanza cumünela decida da surder las diversas lavurs tenor l'offerta e da surder la direcziun da lavur a l'architect Marco Glisenti.

Centrela da controlla per ova e chanelisaziun

In connex cun la rait da fibra (LWL Kabel) es da refer e moderniser la centrela per la controlla da las ovas e da las pumpas da chanelisaziun. Il sistem da la centrela d'ova es già ter vegl e stu gnir moderniso. Cun que cha vain realiso il proget da la rait da fibra da vaider, e eir cun que cha`l reservoir da Quedras es uossa renuvo, es d'adatter la staunza sün la nouva tecnologia per pudair contoller effectiv al sistem d'ova e chanelisaziun. -Per tuot il proget s'amuntan ils cuosts sün arduond fr. 180'000.00. Il plan d'investiziun prevezza ün import da fr. 192'000.00. La suprastanza cumünela surdo il proget e la direcziun da lavur a la firma Boess da Samedan e las lavurs da moderniser il sistem a la firma Züllig.

Consultaziun biotops

La suprastanza cumünela piglia cugnuschentscha da la planisaziun da territori – consultaziun biotops e comuichescha que al uffizi respunsabel.